

光緒吉林通志

吉林通志卷七十六

人物志五 金四

薩哈

宗憲

希卜蘇

宗亨

宗賢

實圖美

都古嚙訥

實實

思敬

幹魯

烏楞古

博勒和

棟摩

宗敘

羅索

和尼

默音

實古納

哈里

尼楚赫

古雲

瑪奇

烏色

巴爾斯

實古納

薩哈

原作撒改

景祖孫韓國公和卓

原作劼者

之長子世祖之

兄子也

金史本傳

景祖九子元配唐古

原作唐括

氏生和卓

本紀

於次最長景祖方討定諸部

本紀

綱漸立

本紀

愛世祖

膽勇材略及諸子長國俗當異宮居

本傳

景祖日和卓

柔和和哩布

原作勃里鉢

有器量智識何事不成乃命和

卓與世祖同居

本紀

和卓專治家務世祖主外事

本傳

祖擒巴哩美

原作拔乙門

獻於遼主遼主以爲生女直部

族節度使遼人呼節度使爲太師金人稱都太師者

自此始景祖卒世祖繼之

本紀

世祖越噶順

原作而傳効孫

肅宗穆宗皆景祖志也

本傳

穆宗復傳世祖之子至於

太祖竟登大位焉

本紀

初景祖嘗以幣與馬求國相於

雅達以命肅宗

和諾克傳

穆宗初襲位念和卓長兄不得

立遂命薩哈爲國相穆宗履藉父兄趾業鋤除彊梗

不服已者

本傳

使太祖伐巴圖

原作改

巴圖亡去錫馨

原作

星顯水赫舍哩

原作紇石烈

部阿蘇

原作阿疏

穆都哩

原作毛

阻

兵爲難穆宗自將伐阿蘇薩哈以偏師攻通恩

原作純恩

城拔之

本紀

先是穆宗使薩哈取瑪奇

原作馬紀

嶺道攻阿

蘇穆宗自將期阿蘇城下會軍薩哈行次阿卜薩

原作

阿不塞

水烏雅部

原作烏延

色塔

原作斜勒

貝勒來謁謂薩哈曰

聞國相將與太師會軍阿蘇城下此爲深入必取之

策宜先撫定珊沁

原作湯登

錫馨之路落其黨附奪其民

人然後合軍未晚也薩哈從之攻通恩城請濟師穆

宗與之薩哈遂攻下通恩城而與穆宗來會蘇阿城

下通恩在南阿蘇在北穆宗初遣薩哈分道卽會攻

阿蘇聞其用色塔計先取通恩城與初議不合頗不

然之及遣使來止勿攻阿蘇然後深以取通恩城爲

功也

本傳

用爲都統與太祖攻破塔克城誅其渠帥取

孛累賫產而還

宏簡錄

卓多

原作詐多

烏塔

原作瑪塔

通恩皆降

本傳

康宗旣沒太祖稱達貝勒

原作都勃極烈

與薩哈分治諸

部必塔

原作匹脫

水以北太祖統之拉林

原作滾流

水人民薩

哈統之明年

本傳

丙午六月太祖至江西遠使使來致

襲節度使之命遼主好畋淫融怠於政事

本紀

太祖知

遼可伐遂起兵

金史本傳

九月太祖進軍甯江州次寥晦

城駐高阜薩哈仰見太祖體如喬松所乘馬如岡阜

之大太祖亦視薩哈人馬異常薩哈因白所見太祖

喜曰此吉兆也卽舉酒酌之異日功成當識此地師

次唐古特旺結

原作唐括帶幹甲

之地諸軍介而立有光起

於人足及戈矛上明日至扎扎水

原作扎只

光復如初五行

志

人以爲祥將至遼界先使宗幹督士卒夷塹旣渡

遇渤海軍攻我左翼七穆昆眾少卻敵兵直犯中軍

舍音

原作斜也

出戰齋達

原作哲垚

先驅太祖曰戰不可易也

遣宗幹止之宗幹馳出舍音前控止齋達馬舍音遂

與俱還敵人從之耶律色寶

原作謝十

墜馬遼人前救太

祖射救者斃併射色寶中之有騎突前又射之徹札

洞胷色寶拔箭走追射之中其背飲矢之半儻而死

獲所乘馬宗幹與數騎陷遼軍中太祖救之免胷戰

或自旁射之矢拂於頰太祖顧見射者一矢而驚謂

將士曰盡敵而止眾從之勇氣百倍敵大奔相蹂踐

死者十七八時薩哈在別路太祖使人以戰勝告之

而以色寶馬賜之本紀薩哈及將士皆驩呼曰義兵始

至遼界一戰而勝滅遼自此必矣遣子宗翰及完顏

希尹原作古新來賀捷因勸進本傳太祖曰一戰而勝遂稱

大號何示人淺也本紀十月師克甯江州本傳初命諸路

以三百戶爲穆昆原作謀克十穆昆爲明安原作猛安十一月

遼都統蕭嘉哩原作里副都統托卜嘉將步騎十萬會

於鴨子河北太祖自將擊之與敵遇於珠赫店原作出河

會大風塵埃蔽天乘風勢擊之遼兵潰逐至沃棧原作

幹論深殺獲首虜及車馬甲兵珍玩不可勝計徧賜官

屬將士燕犒彌日師還十二月太宗薩哈希卜蘇原作

習不出率諸將復勸進本傳願以新歲元日恭上尊號本紀

收國元年正月朔太祖卽位薩哈行國相如故伐遼

之舉決於都古嚕訥原作古乃其大計實自薩哈啟之薩

哈自以宗室近屬且長房繼肅宗爲國相旣貴且重

故身任大計贊成如此諸人莫之或先也太祖卽位

羣臣奏事薩哈等前跪上起立止之曰今日功成皆

諸君協輔之力吾雖處大位未易改舊俗也薩哈等

感激再拜謝凡臣下宴集太祖嘗赴之主人拜上亦

答拜天輔後始正君臣之禮焉七月太宗爲安班原作

請貝勒授薩哈古倫原作貝勒希卜蘇愛滿原作貝

勒杲古倫齋原作貝勒所謂貝勒原作者蓋女

直之尊官也自太祖正位號凡半載未聞有封拜太

宗介弟優禮絕等杲母弟之最幼者薩哈希卜蘇以

宗室同封拜本傳皆異數也宗室勛傳九月加古倫烏赫哩

原作國貝勒天輔五年閏五月辛巳薨本紀太祖往弔

乘白馬勢額哭之慟及葬復親臨之贈以所御馬薩

哈爲人敦厚多智長於用人居純儉自始爲國相

能馴服諸部訟獄咸得其情當時有言不見國相事

何從決及舉兵伐遼薩哈每以宗臣爲內外倚重不

以戰多爲其功也天會十五年追封燕國王本傳天德

二年二月太廟祫祭有司擬上配享功臣詔以薩哈

等東向配太祖位禮志正隆降封陳國公大定三年改

贈金源郡王配饗太祖廟廷謚忠毅十五年詔圖像

衍慶宮子宗翰宗憲本傳扎保迪依詳校本增宗翰別有傳

金史本傳

宗憲本名阿蘭原作敖拉宏簡錄作阿瀨薩哈子薩哈傳女直初無

文字宗室勛傳天會三年字書成命頒行之希尹傳宗憲年

十六選入學太宗幸學與諸生俱謁進止恂雅

金史本傳

令誦所習女直字書語音清亮兼通契丹漢字善應

對

宏簡錄

侍臣奏曰此左副元師宗翰弟也上遣賞人

之未冠從宗翰伐宋汴京破眾人爭趨府庫取財物

宗憲獨載圖書以歸

本傳

金初庶事草創

禮志

朝廷議制

度禮樂往往因仍遼舊宗憲曰方今奄有遼宋當遠

引前古因時制宜成一代之法何乃近取遼人制度

哉希尹

原作古新

曰而意與我合由是器重之

本傳天眷

元年

本紀

達蘭宗傳倡議以齊地與宋

本傳

謂我委地與

宋必然德我

宏簡錄宗憲傳

宗憲廷爭折之

本傳

曰我俘宋父

子兄弟怨匪一日若復資以土地是助讎以戕我何

德之有

宏簡錄
宗傳

當時不用其言其後宗弼復取河南

陝西地如宗憲策以捕宗磐宗傳功授昭武大將軍

修國史累官尙書左丞熙宗嘗從容謂之曰嚮以河

南陝西地與宋人卿以爲不當與今復取之是猶用

卿言也卿識慮深遠自今以往其盡言無隱宗憲拜

謝遂攝門下侍郎初熙宗以疑似殺希尹

本傳

久乃憫

惜語以希尹有大功朕將錄用其孫對曰陛下所念

至深死生幸甚以臣言之若不先明死者無罪生者

何由得仕上是其言

宏簡錄

卽日復希尹官曾用其孫

守道爲應奉翰林文字

本傳

後至宰相

宏簡錄

皇統五年

將肆赦議覃恩止及女直人宗憲奏曰莫非王臣慶

幸豈可有閒耶

本傳

宜廣配天之澤永昭凝命之庥可

大赦天下內外大小職官並與覃恩

大金集禮

遂改其文

使均被焉轉行臺平章政事天德初爲中京留守武

安軍節度使封河內郡王改太原尹進封鉅鹿郡王

正隆例奪王爵再遷震武軍節度使世宗卽位遣使

召之詔曰叔若能來速至此若爲赫舍哩志甯

本名薩哈

連白彥敬

本名約索

所過亦不煩叔憂宗憲聞世宗卽位

先已棄官來歸與使者遇於中都遂見上於小遼口

除中都留守卽遣赴任詔與元帥完顏古雲

原作
毅英同

議軍事明年改西京留守八月改南京布薩忠義

本名

烏哲自行臺朝京師宗憲攝行臺尙書省事召爲太子

太師上謂宗憲曰卿年老舊人更事多矣皇太子年

尙少謹訓導之俄拜平章政事太子太師如故詔以

太祖實錄賜宗憲及平章政事完顏元宜左丞相赫

舍哩良弼

本名羅索

判祕書監溫王爽各一本伊喇畢善

努

原作移刺
高山奴

前爲甯州刺史以貪污免世宗以功臣

子孫宗族中無顯仕者以爲祕書少監是時母喪未

除有司奏其事宗憲曰臬善努傲狠貪墨不可致之

左右世宗曰朕以其父祖有功爾旣爲人如此豈可玷職位哉追還制命因顧左丞蘇保衡參政石琚曰此朕之過舉不可不改卿等當盡心以輔朕也有司言諸路明安穆昆怙其世襲多擾民請同流官以三十月爲考詔下尙書省議宗憲乃上議曰太祖皇帝撫定天下誓封功臣襲明安穆昆今若改爲遷調非太祖約臣謂凡明安穆昆當明敷善惡進賢退不肖有不職者其弟姪中更擇賢者代之上從其議進拜右丞相本傳大定五年上世宗尊號表略曰膺帝命而履寶位是謂應天因人心而啟洪基是爲興祚遠人

來附綏之而已乃修德以尙文得不謂仁文乎王略
既宣服之而已不窮兵而黷武得不謂義武乎本之
以事無不通之聖擴之以遠無不燭之明能廣前人
之有聲實曰天子之至孝合茲眾美允矣公言臣等
不勝大願謹固請加上尊號曰應天興祚仁文義武
聖明至孝皇帝詔卻禮冊宗憲再上表曰函章屢賈
宸聽未回雖聖心能以自儆在臣下有所未安夫簡
在上帝之心謂之應天紹復先王之業謂之興祚仁
以守位德以撫民無所不通非聖孰能與此先之以
愛夫孝何以加乎道備至明名非虛美臣等不勝大

願謹固加上尊號曰應天興祚仁德聖孝至明皇帝

詔去至明二字餘用勉從

大金集禮

大定六年九月癸丑

薨

本紀

年五十九上報朝悼惜久之命百官致奠賻銀

一千五百兩重綵五十端絹五百匹

金史本傳

希卜蘇

原作習不失

本作辭不失後爲希卜蘇昭祖之孫

烏肯徹

原作烏古出

之次子也

金史本傳

希卜蘇健捷能左右

射世祖襲節度使肅宗與拒和諾克薩克遠戰於烏

嚙斯哈珠

原作幹魯紺出

水再失利世祖至將士無人色世

祖使希卜蘇先陣於托果

原作豁改

原而身出搏戰敗其

步軍希卜蘇自陣後奮擊之敗其騎軍所乘馬中九

矢不能馳遂步趨而出方戰其外兄烏格原作鳥葛名善

射居敵中將射希卜蘇熟視識之呼曰此小兒汝一

人事乎何爲摧鋒居前如此以弓弣擊馬首而去是

役也希卜蘇之功居多和諾克旣敗希卜蘇馬棄陣

中者亦自歸世祖嘗疑珠嘉布勒圖原作朮甲 李甲篤或與

烏春等爲變遣希卜蘇單騎往觀布勒圖與呼嚕置

酒樓上以飲之希卜蘇聞其私語昵昵若將執己者

一躍下樓傍出藩籬之外乘馬而歸其勇趨如此博

諾原作盃乃約烏春舉兵世祖至蘇蘇海甸與烏春遇肅

宗前戰色塔原作斜列希卜蘇佐之束縕縱火煙燄蔽天

傳本是時八月并青草皆焚之我軍隨煙衝擊本大敗

烏春執博諾以歸本大安八年肅宗自國相襲位太

祖獲瑪察殺之獻馘於遼本遼人賞功穆宗太祖罕

都希卜蘇皆爲詳袞焉後與阿里罕原作阿威泰原

帶幹俱佐薩哈攻塔克原作城下之太祖伐遼使領兵

千人夾侍左右珠赫店原作之役惟希卜蘇之策與

太祖合卒破十萬之師挫其軍鋒遂與太宗薩哈等

勸進收國元年七月與薩哈杲同日授爲貝勒希卜

蘇爲愛滿原作貝勒云天輔七年太宗與希卜蘇居

守本傳本耶王昂以兵四千與蘇赫監護諸部降人處之

嶺東就以兵守臨潢府昂不能撫御降人苦之多叛

亡者上聞之詔太宗曰比遣昂監徙諸部違命失眾

當置重法若有所疑則禁錮之俟師還定議耶王昂傳於

是遼人以燕京降宋人約歲幣本傳三月甲寅朔世宗

生史作三月依詳校本改是日將誅昂本紀參昂傳希卜蘇謂太宗

曰兄弟骨肉以恩掩義宵屈法以全之今國家疊有

大慶可減昂以無死若主上有責言以我爲說太宗

然之遂杖昂七十拘之秦州而斬蘇赫昂傳以聞本傳後

昂爲平章政事昂傳太祖每伐遼輒命希卜蘇居守雖

無方面功而倚任與薩哈比侔矣是歲七月薨太祖

班師道病太宗奉迎謁見恐太祖感慟而病轉甚不

敢以薨告太祖輒問曰愛滿貝勒今安在太宗給對

曰當卽至矣

本傳

天德二年配饗太祖

禮志

正隆二年贈

開府儀同三司追封曹國公大定三年追封金源郡

王諡曰毅武

史作忠毅依詳校本改

十五年詔圖像衍慶宮

薩哈

傳

依詳校本增

子呼沙呼

原作鶴沙虎

國初有功天會中爲眞

定留守子托卜嘉

金史本傳

宗亨本名托卜嘉

原作捷不也

呼沙呼子

希卜蘇傳

希卜蘇之

孫也

宗賢傳

性忠謹天眷

史作天輔依詳校本改

初充護衛擒宗

磐宗雋有功加忠勇校尉遷昭信校尉尙廩局直長

三年升本局副使丁父憂時宗正官屬例以材選宗

亨在選中起復爲烏克遜達

原作淑
溫特

宗室將軍改會

甯府少尹歷登州刺史改獻州刺史

史有澤州定三字
依詳校本削

爲特們擊牧使同知北京路轉運使改同

史作澤依
詳校本改

州定國軍節度使海陵南伐以本職領武揚軍都總

管

金史
本傳

過淮世宗卽位班賜手詔入朝授右宣徽使

未幾爲西北路兵馬都統討契丹幹罕

原作
窩幹

令統萬

戶富察世傑

原作烏
廷查刺

七穆昆兵以爲左翼賊兵來犯

世傑奮擊敗之宗亨指畫失宜遂敗回又縱軍士取

賊所棄資囊人畜而自有之坐降甯州刺史

宗賢本名色哩

原作賽里

希卜蘇之孫也從都統杲取中

京

史作原依詳校本改

襲遼帝於駕驚濼

金史本傳

遼主奔西京宗

翰追至白水濼不及

本紀

使達蘭

原作撻懶

襲耶律瑪格

原作

馬

哥都統使普嘉努

原作潘家奴

及色哩等以兵助之普嘉

努使色哩舍音

原作斜也

費摩

原作裴蒲

呼達

原作胡撻

達嚕噶

原作

達魯古

色列

原作廝列

耶律烏舍

原作律吳

等各率兵分行招

諭獲遼留守迪越家人輜重并降羣牧官穆隆阿

木盧瓦

得馬甚多使逐水草牧之色哩等趨伊德

原作業德

遂以偏師深入敵邀擊之

本傳

瓜爾佳薩哈

本紀

原戰

沒普嘉努至旺國崖西色哩兵會之

本傳

乃旋師

本紀

累

官至左副檢點天眷二年

本傳

七月克國王宗僞謀反

伏誅

本紀

凡與宴飲者皆貶削

宗磐傳

色哩坐奪官爵未

幾復官

本傳

歸宋帝母韋氏及故妻邢氏天水郡王並

妻鄭氏喪於江南

本紀
詳校本增

依皇統四年授世襲穆昆

轉都點檢封幽國公拜平章政事進拜右丞相兼中

書令進拜太保左丞相監修國史罷爲左副元帥復

爲太保左丞相左副元帥如故進太師領三省事兼

都元帥監修國史出爲南京留守領行臺尙書省事

復爲左副元帥兼西京留守再爲太保領三省事復

爲左丞相兼都元帥色哩自護衛未十年位兼將相

常感激思自效以報朝廷雖於悼后爲母黨后專政大臣或因之以取進用色哩未嘗附之皇太子濟安薨魏王道濟死熙宗未有嗣子色哩勸熙宗選後宮以廣繼嗣不少顧忌於后后以此怨之與海陵同在相位未嘗少肯假借海陵雖專史作尊依而心憚色哩外以屬尊加禮敬而內常忌之海陵知悼后怨色哩因與后共力排出之色哩亦不以事少變胙王常勝死熙宗納其妻宮中頃之殺悼后及妃數人將以常勝妻爲后未果也及海陵弒熙宗詭以熙宗將以立后召諸王大臣色哩聞召以爲信然將入宮謂人

曰上必欲立常勝妻為后我當力爭之及被執猶以
為熙宗將立常勝妻而先殺之也曰誰能為我言者

我死固不足惜念主上左右無助爾遂遇害

金史本傳

實圖美

原作石土門

漢字一作神徒門扎蘭

原作耶懶

路完顏

部人世為其部長父卓巴納

原作直離海

始祖弟博和哩

原作保活里

四世孫

金史本傳

金之始祖諱函普初從高麗來

年已六十餘矣兄阿庫納

原作阿吉迺

好佛留高麗不肯

從曰後世子孫必有能相聚者吾不能去也獨與弟

博和哩俱始祖居完顏部布爾罕

原作僕翰

水之涯博和

哩居扎蘭其後呼實默

原作胡十門

以哈斯罕

原作曷蘇館

歸

太祖自言其祖兄弟三人相別而去蓋阿庫納之後

實圖美都古嚙訥

原作迪古乃

博和哩之裔也

本紀雖屬同

宗不相通問久矣景祖時卓巴納使部人密遜

原作遜孫

來請復通宗系景祖留密遜歲餘厚其餼廩飲食善

遇之及還以幣帛數篋爲贈結其厚意久之扎蘭歲

饑景祖與之馬牛爲助糴費使世祖往致之會世祖

有疾實圖美日夕不離世祖疾愈辭歸與握手爲別

約他日毋相忘實圖美體貌魁偉勇敢善戰質直孝

友彊記辯捷臨事果斷世祖襲位交好益深隣部不

悅遂合兵攻之實圖美使弟阿索美

原作阿斯邁

率二百

人南下拒敵敵兵干人已出其東據高泉實圖美將

五十人迎擊之

原作干依
詳校本改

敵將阿爾本

原作幹
里本

者勇

士也出挑戰實圖美射中其馬阿爾本反射射中實

圖美腹實圖美拔箭戰愈力阿索美與勇士七人步

戰殺阿爾本諸部兵遂敗實圖美遂招諭諸部使附

於世祖世祖嘉之後伐烏春烏木罕

本傳與們圖瑛降

穆嚕密斯罕

原作米里
迷石罕

城獲通恩

原作
銳思

達薩塔

原作
敵庫

德本紀皆以所部從戰有功弟阿索美尋卒及終喪大

會其族太祖率官屬往焉就以伐遼之議訪之方會

祭有飛鳥自東而西太祖射之矢貫左翼而墜實圖

美持至上前稱慶曰烏鵲人所甚惡今射獲之此吉

兆也卽以金版獻之後以本部兵從擊高麗及伐遼

功尤多王師攻下西京賜以金牌其子察遜

原作
輝遜從

行上謂曰吾妃之妹巴克織

原作
自散

在遼俟其獲當以

爲汝婦竟如其言上之西征諸將皆從實圖美乃率

善射者三百人來衛京師時太宗居守喜其至親出

迎勞繼聞黃龍府叛與睿宗討平之賜以奴婢五百

人師還賞賚優渥至是卒年六十一正隆二年封金

源郡王

金史
本傳

大定閒定亞次功臣圖像衍慶宮

十三
字依

詳校子實實思敬

金史
本傳

都古嚙訥

原作迪古乃

字鄂思歡

原作阿思魁

實圖美之弟大

祖器重之

金史本傳

癸巳太祖襲位

本紀

將伐遼而未決也

欲與都古嚙訥計事於是宗翰宗幹完顏希尹皆從

本傳過其家

宏簡錄

居數日少聞太祖與都古嚙訥馮肩

語曰我此來豈徒然也有謀於汝汝爲我決之遼名

爲大國其實空虛主驕而士怯戰陣無勇可取也吾

欲舉兵仗義而西君以爲如何都古嚙訥曰以主公

英武士眾用命遼帝荒於畋獵政令無常易爲也太

祖然之明年遂伐遼使博勒和

原作盧火

來徵兵都古

嚙訥以兵會師收國元年十二月上禦遼主兵次約

囉原作交刺本傳會諸將議皆曰遠兵號七十萬其鋒未易

當吾軍遠來人馬疲乏宜駐於此深溝高壘以待從

之遣都古嚙訥尼楚赫原作銀木可鎮達嚙嚙原作達二古魯

年四月乙丑本紀與幹魯芬微原作滿察會烏楞古原作幹魯古

討高永昌本傳五月擒高永昌以獻戮之本紀東京降遂

與烏楞古禦耶律聶喀原作捏里敗之蒺藜山本傳追北至

額勒錦原作阿里真遂拔顯州烏楞古傳乾惠等州降天輔二

年與羅索原作婁室俱入見上曰遼主近在中原而敢輒

來本傳杖之本紀太祖駐軍草澳都古嚙訥取奉聖州破

其兵五千於雞鳴山奉聖州降太祖入燕都都古嚙

訥出德勝口代實圖美爲扎蘭路達貝勒天會二年

史無天會字
依詳校本增

以扎蘭地斥鹵遷其部於蘇伯水以珠

蘇爾

原作木
實勒

之田益之熙宗卽位加太子太師十四

年加保大軍節度使同中書門下平章事薨天德二

年配饗太祖廟廷大定二年進封金源郡王

金史本傳十

五年圖像衍慶宮

實實傳

諡明毅

依詳校本增

實實

原作習室
一作習失

扎蘭河人金源郡王實圖美之子

思敬

傳

康宗四年丙戌高麗遣黑歡方石來賀襲位遣博

羅

原作孟魯

報之高麗約還諸亡在彼者乃使阿古

原作阿睦

雙寬往受之高麗背約殺二使者築九城於海蘭甸

以兵數萬來攻

本紀

實實從烏色

原作軍

金史本傳

敗之

本紀

太祖攻甯江州實實摧鋒力戰授明安從舍音

原作斜也

克中京襲遼主於鴛鴦濼略定山西

史無西字依詳校本增

敗

夏將李良輔與羅索

原作婁室

俱獲遼帝於伊都谷宗翰

伐宋與尼楚赫

原作銀術可

圍守太原明年攻襄垣下潞

城降西京至汴元帥府以懷孟北阻太行南瀕河控

制險要使實實統十二明安軍鎮撫之於是殄平寇

盜招集流亡四境以安天會四年薨熙宗時贈特進

大定間諡威敏

禮志卷三十一作毅武詳校本謂禮志作威敏

太廟祫享以

舍音幹魯薩哈實實鄂斯歡配饗太祖

禮志世宗思太

祖太宗初業艱難求當時羣臣勲業最著者圖像衍

慶宮遼王舍音金源郡王薩哈

原作撤改

遼王宗幹秦王

宗翰宋王宗望梁王宗弼金源郡王希卜蘇

原作習不失

金源郡王幹魯金源郡王希尹

原作古新

金源郡王羅索

楚王宗雄魯王棟摩

原作闡母

金源郡王尼楚赫隋國公

阿里罕

原作阿离合邁

金源郡王完顏忠豫國公普嘉努

原作

蒲家奴

金源郡王薩里罕

原作撒离喝

兗國公劉彥宗特進

烏榜古

原作翰魯古

齊國公韓企先并實實凡二十一人

初海陵罷諸路萬戶置蘇伯

原作蘇濱

路節度使世宗時

近臣奏請改蘇伯爲扎蘭節度使不忘舊功上曰蘇

伯扎蘭二水相距千里節度使治蘇伯不必改實圖

美親管明安子孫襲封者可改爲扎蘭明安以示不

忘其初

金史本傳

思敬本名薩哈

原作撒改

實實弟也

史作希卜蘇弟依詳校本改

初名

思恭避顯宗諱改焉體貌雄偉美鬢髯純直有材幹

年十一從其父謁見太祖太祖在納琳

原作納鄰

淀方獵

因詔從獵射黃羊獲之太祖賜以從馬宗翰自太原

伐宋從其兄實實攻太原宗翰取河南思敬從完顏

和尼

原作活女

涉河清

史作涉渡河依詳校本改

河清下洛陽圍汴皆有

功師還隸遼王宗幹麾下太宗幸東京溫湯思敬權

護衛押衛卒百人從行領穆昆從征珠格麟

原作虎麟

有功遂充護衛天眷二年以捕宗磐宗傳功遷顯武將軍熙宗捕魚混同江網索絕曹國王宗敏乘醉鞭馬入江手引繫網大繩沈於水中熙宗呼左右救之倉卒莫有應者思敬躍入水引宗敏出熙宗稱款賞賚甚厚擢右衛將軍襲扎蘭路萬戶授世襲穆昆皇統七年召見賜以襲衣廢馬錢萬貫及歸復遣使賜弓劍是年入爲工部尙書改殿前都點檢無何爲吏部尙書天德初爲報諭宋國使宋人以舊例請觀錢塘江湖思敬不觀曰我國東有巨海而江水有大於

錢塘者竟不往使還拜尚書右丞罷爲眞定尹用廉
封河內郡王徙封鉅鹿丁母憂起復本官改益都尹

正隆二年例奪王爵改慶陽尹大定二年授西南路

招討使封濟國公兼天德軍節度使俄爲西北路都

統史無西字依
詳校本增佩金牌及銀牌二西北路招討使唐

古布古岱原作唐括
李古底副之詔布古岱日爾兵少思敬

未至不得先戰布薩忠謙原作僕
散忠義敗斡罕原作
窩斡於陷

泉詔思敬選新馬三千備追襲斡罕入於奚中思敬

爲元帥右都監以舊領軍入奚地漳格原作
張哥宅會大

軍討之敗節度特默原作特
末也獲二百餘人賊降將碩

和卓

原作稍
各付

與其黨錫勒塔干

原作神
獨幹

執幹罕并其

母蘇尼妻子弟姪家屬及金銀牌印詣思敬降思敬

獻俘於京師賜金百兩銀千兩重綵四十端玉帶履

馬名鷹拜右副元帥經略南邊駐山東罷爲西京留

守復拜右副元帥仍經略山東初明安穆昆屯田山

東各隨所受地上

史作主依
詳校本改

散處州縣

金本
史傳

世宗不

欲明安穆昆與民雜處欲使相聚以居遣戶部郎中

完顏讓往元帥府議

宏簡
錄

思敬與山東路總管圖克

坦

原作
徒單

克甯議曰大軍方進伐宋宜以家屬權寓州

縣量留軍眾以爲備禦俟邊事甯息明安穆昆各使

聚居則軍民俱便還奏上從之其後遂以明安穆昆
自爲保聚其田土與民田犬牙相入者互易之三年
四月召還京師以爲北京留守賜金鞍勒馬七年召
爲平章政事先是省併明安穆昆及海陵時無功授
穆昆者皆罷之失職者甚眾思敬思量才用之上從
其請九年拜樞密使上疏論五事其一女直人可依
漢人以文理選試其二契丹人可分隸女直明安其
三鹽澳官可罷去其四與明安同勾當副千戶官亦
可罷其五親王府官屬以文資官擬注教以女直語
言文字上皆從之其後女直人試進士瓜爾佳衡

原

夾谷尼瑪哈鑑原作尼古鑑圖克坦鑑原作徒單鑑完顏匡輩

由此致宰相思敬啟之也久之上謂思敬曰朕欲修熙宗實錄卿嘗爲侍從必能記其事蹟對曰熙宗時內外皆得人風雨時年穀豐盜賊息百姓安此其大概也何必餘事上大悅世宗喜立事故其微諫如此大定十三年薨上輟朝親臨喪哭之慟曰舊臣也賻贈有加葬禮悉從官給孫吾侃尤特大定二十四年

除明威將軍授蘇伯原作速濱路寶鄰山明安金史本傳

幹魯韓國公和卓原作劾者弟二子金史本傳康宗二年甲申

威泰原作幹帶治蘇伯水原作蘇濱諸部烏色原作幹魯佐之

定諸部而還久之高麗殺行人阿古雙寬而築九城

於海蘭甸

烏色傳

烏色母疾幹魯代將其兵者數月亦

對築九城與高麗抗

本傳亦字上

史有幹魯字冠依詳校本削

出戰入

守烏色因之卒敗高麗

宏簡錄

收國二年四月詔統諸

軍

詔字下有幹魯字依詳校本削

與棟摩

原作闕母

芬徹

原作蒲查

都古嚙訥

原作迪古乃

合咸州路都統烏楞古

原作幹魯古

等伐高永昌

詔曰永昌誘脅戍卒竊據一方直投其隙而取之爾

此非有遠大計其亡可立待也東京渤海人德我舊

矣易爲招懷如其不從卽議進討無事多殺高永昌

渤海人在遼爲裨將

本傳

領兵三千屯東京八瓠口見

遼政日衰妄意非常乘東京漢人有怨誘諸渤海并

其戍卒入據東京旬月之間遼近響應

宏簡錄

有兵八

千人遂僭稱帝改元隆基遼人討之永昌使托卜嘉

原作撻不野

標哈原作

約合以幣求救於太祖且曰願并力以

取遼太祖使華沙布往諭之曰同力取遼固可東京

近地汝輒據之以僭大號可乎若能歸款當處以王

爵永昌表辭不遜

本傳

乃詔幹魯統內外諸軍伐之幹

魯方趨東京遼兵六萬來攻昭蘇

原作昭散

城額圖瑁

原作

阿圖罕

貝勒鄂瀾沙津

原作烏論石準

與戰於伊圖

原作益禔

之地

大破之五月幹魯取瀋州永昌聞而大懼使家奴道

拉原作資金印銀牌願去名號稱藩去簡幹魯使華

沙布薩巴往報之會渤海高楨降言永昌非真降者

特以緩師爾進兵

進兵上有幹魯字依詳校本削

永昌遂殺華沙布

等率眾來拒遇於鄂爾和

原作沃里活

水我軍既濟永昌

之軍不戰而卻逐北至東京城下明日永昌盡率其

眾來戰復大敗之遂以五千騎奔長松島初太祖下

甯江州獲東京渤海人皆釋之往往中道亡去諸將

請殺之太祖曰既已克敵下城何爲多殺昔先太師

破敵獲百餘人釋之皆亡去既而招其部人來降今

此輩亡後日當有效用者至是東京人恩勝努仙格

原作奴
先哥
等執永昌妻子以城降卽甯江所釋東京渤

海人也太師蓋謂世祖云未幾托卜嘉執永昌及道

拉以獻皆殺之於是遼之南路係籍女直及東京州

縣盡降以幹魯爲南路都統德特原作貝勒留烏珍

知東京事詔除遼法省賦稅置明安穆昆一如本朝

之制九月幹魯字依朝於巴喇密特原作水上慰

勞之辛亥幸其第史作幹魯第張宴官屬皆預賜

賚有差矩威原作水部錫勒哈達原作殺綽哈原

斡布古德原作幹魯分和隆果烏珍原作之

兵討之酬於宗室子一百至希爾哈原作河錫勒

哈達邁去追及於哈達拉

原作合
撻刺

山誅其首惡四人

撫定餘眾

本傳

下詔嘉獎分其民三百戶爲一穆昆推

眾所服者領之仍質其子弟而還

去簡
錄

天輔六年三

月

本紀

從部統果

幹魯字依
詳校本削

襲遼主

本傳

於鴛鴦樂

本紀

主西走西京已降復叛敵據城西浮圖下射攻城者

乃與

詳魯字

乃字依

哈布爾

原作鴛
巴魯

攻浮圖奪之復

以清鏡乘浮圖下射城中遂破西京夏國使李良輔

史作仁輔
依詳校本改

將兵三萬來救遼次於天德之境羅索

原作

與幹魯合軍擊敗之追至野谷殺數千人夏人

渡澗水水暴至漂溺者無算遼王在陰山青冢之間

幹魯爲西南路都統往襲之使博爾蘇

原作勃刺淑

薩噶

爾瑪克

原作撒曷邁

以兵二百襲遼權六院司喀勒扎於

白水澳獲之遼主留輜重於青冢領兵一萬於應州

遣卓哩布達

原作照里背答

各率兵邀之宗望奄至遼主營

盡俘其妻子宗族得其傳國璽使使奏捷

幹魯字依詳校本削

曰賴陛下威靈屢敗敵兵遼主無歸勢必來降已嚴

戒鄰境毋納宋人合饋軍糧令尼楚赫

原作銀尤可

往代

州受之詔徧諭有功將士俟朕至彼當次第推賞遼

主戚屬勿去其輿帳善撫存之遼主伶俚去國懷悲

負恥恐隕其命擊雖自作而嘗居大位深所不忍如

招之肯來以其宗族付之已遣楊璞徵糧於宋尼楚
赫不須往矣遼趙王實訥塔及諸官吏並釋其罪且
撫諭之太祖還京師宗翰爲西北西南兩路都統幹
魯及普嘉努

原作蒲家奴

副之宗翰朝京師詔以夏人言

宋侵略新割地以便宜決之奏曰

幹魯字佖詳校本削

夏人不

盡歸戶口資幣又以宋人侵賜地求援兵宋之邊臣
將取所賜夏人疆土蓋有異圖詔曰夏人屢求援兵
者或不欲歸我戶口沮吾追襲遼主事也宋人敢言
自取疆土於夏誠有異圖宜謹守備盡索在夏戶口
通聞兩國事審處之幹魯復請弗割山西與宋則遼

主不能與宋郭藥師交通復詔曰宗翰請勿與宋山

西地卿復及此疆場之事當慎毋忽及宗翰等伐宋

幹魯行西南西北兩路都統事天會五年薨皇統五

年追封鄭國王六年立碑

四字依詳校本增

天德二年配享

太祖廟廷大定八年圖像衍慶宮諡剛烈

二十二字依詳校本

增子薩巴銀青光祿大夫子色哩

金史本傳

烏楞古

原作幹魯古

貝勒宗室子也

金史本傳

太祖二年甲午

本紀伐遼使烏楞古阿魯

原作阿魯

撫諭幹璉

原作幹忽

集賢

原作

忽兩路係遼女直

本傳

戰敗遼兵殺節度使托卜嘉

原作

捷不也

古納

原作

嶺烏爾圖罕

原作阿魯圖罕

等十四達哈

藩原作十

四大皆降本傳

復與羅索

原作

擊遼都統寶婁於

咸州斬之克其城圖們呼圖

原作

以所部降鄰部

戶七千人亦來歸

宏簡錄

遂與遼將赫伯

原作

戰破其

軍數萬人太祖嘉之以爲咸州軍帥

本傳

佐幹魯伐高

永昌時呼圖克

原作胡

叛入於遼居東京

原有南字

創索之以歸以便宜署爲千戶其無功蘇都哩

原作

鄂勒博

原作訛

亦除以官而無罪穆昆哈布爾

解拔

黃哥

原作

達希布

原作達

咸解其職

宏簡錄

聞之盡復哈布爾等穆昆呼圖克等皆罷去又聞烏

楞古軍中往往闕馬

太祖字

依詳而官馬多匿於私

家遂檢括之耶律聶喀

原作
捏里佛德遺

馬楞古字依書
詳校本改削

請和烏楞古以聶喀書并所答書來上且請曰復有

書問宜如何報之詔曰彼若再來請和汝當以阿蘇

等叛亡索而不獲至於交兵我行人薩喇

原作
賽刺

亦不

遣還若歸薩喇及送阿蘇等則和好之議方敢奏聞

仍恐議和非實無失備禦聶喀軍於蒺藜山烏楞古

以兵一萬戍東京太祖使都占嚕訥

原作迪
古乃

羅索復

以兵一萬益之詔曰遼主失道肆命徂征惟爾將士

常體朕意拒命者討之服者撫安之母貪俘掠毋肆

殺戮所賜聶喀詔書可傳致也詔聶喀曰汝等誠欲

請和當廢黜昏主擇立賢者副朕弔伐之意然後可

議和約不然當盡并爾國其審圖之聶喀復書烏楞

古云降去人赫伯

原作痕字

見還則當送阿蘇等上曰赫

伯乃交兵後來降阿蘇則平日以罪亡去其事特異

復詔聶喀令此月十三日送阿蘇至顯州各遣重臣

議疆場事

本傳

天輔元年

本紀

烏楞古等攻顯州知東京

事完顏鄂倫

原作幹倫

以兵來會卽以兵三千先渡遼水

得降戶千餘遂薄顯州郭藥師乘夜來襲鄂倫擊走

之烏楞古遂與聶喀等戰於蒺藜山大敗遼兵追北

至額勒錦

原作阿里真

陂獲佛德家屬遂圍顯州攻其城

西南軍士實都

原作神篤

踰城先入燒其佛寺煙燄撲人

守陴者不能立諸軍乘之遂拔顯州於是乾懿豪微

成川惠等州皆降乾州後爲閬陽縣遼諸陵多在此

禁無所犯徙成川人於同銀二州居之聶嘒再以書

來請和烏楞古承前詔以阿蘇爲言答之駐軍顯州

以聽命賜烏楞古等馬十匹詔曰汝等力摧大敵攻

下諸城朕甚嘉之遼主未獲人心易搖不可恃戰勝

而失備禦

本傳

二年正月庚寅遼雙州節度使張崇降

本紀

烏楞古以便宜命復其職仍令世襲烏楞古人在

咸州多立功亦多自恣

本傳

二月和勒博

原作里保

雙寶

原作雙古等言咸州路都統烏楞古知遼主在中京而不

進討芻糧豐足而不以實聞攻顯州時所獲牲口財

畜多自取

本紀

聶喀博爾蘇亦告貝勒蒙克

原作普葛

瑪奇

鄂倫齊遜

原作赤岡

阿爾本

原作阿刺

伊喇

原作乙刺

等多取牲口

財畜

本傳

三月癸未朔命開格

原作開哥

代爲都統而鞠治

之

本紀

烏楞古引伏詔降烏楞古爲穆昆而禁錮鄂倫

等初都古魯訥羅索奏攻顯州新降附之民可遷其

富者於咸州路貧者徙內地於是詔使開格擇其才

可幹事者授之穆昆其豪右誠心歸附者疑爲明安

錄其姓名以聞饑貧之民官振給之而使棟摩

原作闕母

爲其副統云久之遼通祺雙遼四州之民八百餘家

詣咸州路都統降上曰遼人賦歛無度民不堪命相

率求生不可失望分置諸部擇善地以處之六年討

賊於牛心山道病卒天眷中贈特進天德二年配享

太祖廟廷

本傳

大定八年圖像衍慶宮

九字依詳校本增

十五

年諡莊翼

金史本傳

博勒和

原作盧火

安帝五代孫舊居按春水

原作出虎安同

時有博勒和者

金史本傳

監羅索

原作婁室

罕後爲平陽尹西

南路招討使終慶陽尹

空簡錄

博勒和以宗室子

可喜傳

事太祖

特進達

二年甲午六月

太祖紀

伐遼使徵都古

嚙訥原作迪古乃兵本傳九月進軍甯江州次寥晦城博勒

和徵兵後期杖之太祖紀後與琿楚原作以四千人助

羅索尼楚赫原作銀可攻黃龍府薩里罕原作辭察必

達爾原作索得轍兄弟齊達勒原作直擲部人嘗寇扎蘭原作

耶路穆宗遣博勒和討之至阿瑪里原作阿河薩里

罕偽降略馬畜三百而去本傳復掠沃楞原作部二十

五寨太祖又令往討宏簡錄博勒和渡索歡原作蘇河招

降旁近因藉丁壯爲軍本傳至特通額原作特水執察

必達爾殺之弘簡錄博勒和至德里原作城圍之薩里

罕遯去執其妻子薩里罕遂降曰我之馬牛貨財盡

矣何以爲生博勒和與之馬十匹齊達勒部產良馬

太祖使赫舍哩

原作統石烈

實罕

原作阿習罕

掌其牧畜博

勒和及子博索

原作婆速

俱爲穆昆天輔五年二月

太祖紀

摘取諸路明安中萬餘家屯田於泰州博勒和爲都

統賜耕牛五十太祖取燕京爲右翼兵出居庸關大

敗遼兵遂取居庸關蕭妃逝去都監高陸等來送款

乞降實古納

原作石古乃

追蕭妃至古北口蕭妃已過三

日不及而還上令博勒和索哩

原作胡實資

率輕騎追

之蕭妃遠去獲其從官統軍察喇

原作察刺

宣徽扎拉

原作

查并其家族及銀牌二印十有一及達喇

原作送刺

叛博

勒和實古納討平之其羣官率眾降者就使領其所

部太宗以空名宣頭及銀牌給之博勒和守邊屢有

功太宗賜衣一襲并賜其子博碩

原作
副叔

八年以甲胄

賜所部諸穆昆天會十二年加同中書門下平章事

天眷元年駐烏爾古德降

原作烏
骨迪烈

部史作地依
詳校木改

葬贈

開封儀同三司諡剛毅

本傳

大定閒定亞次功臣圖像

行慶宮

依詳校
本增

子博碩襲明安天眷二年爲泰州副

都統子威泰廣威將軍博索官特進子烏哲庫

原作
吾扎

忽金史
本傳

呼爾哈節度使性聰敏有才智善用軍常出

敵之不意故能以寡敵眾而所往無不克號鶻軍云

烏哲
庫傳

棟摩

原作闕母

世祖第九子

金史本傳宏簡錄作第十一子

次室珠格

原作

尤虎氏生威泰傳目

太祖異母弟也高永昌據東京斡魯往

史作征依詳校本改

伐之命棟摩等爲之佐已克濟州城中出

奔者棟摩邀擊殆盡與永昌隔鄂爾和

原作沃里活

水眾

遇淖不敢前獨

史作棟摩依詳校本改削

以所部先濟諸軍畢濟

軍東京城下

本傳

其人來戰破之於首山殲其眾獲馬

五百匹

宏簡錄

及烏楞古

原作幹魯古

以罪去咸州棟摩代

爲副統

依詳校本改削

令色克

原作斜葛

留兵一千鎮守命以餘

兵會於渾河至臨潢府先登克其外城又從都統杲

至中京由城西沿土河以進城中兵三千餘皆不能

守遂克之

宏簡錄

宗翰等攻西京棟摩羅索等於城東

爲木洞以捍蔽矢石於北隈以芻茭塞其隍城中出

兵萬餘將燒之温特赫博恰

原作温迪痕蒲匣

率眾力戰執

旗者被創博恰自執旗奮擊卻之又爲四輪革車高

出於堞棟摩與麾下乘車先登諸軍繼之遂克西京

與遼步騎五千戰於朔州之境斬首三百級復敗遼

騎三百於河陰遼兵五千屯於馬邑縣南復擊破之

隳其營壘盡得其車馬器械遼兵三萬列營於西京

之西棟摩以三千擊之使士卒

棟摩字依詳校本削

皆去馬陣

於溝塹之間曰以一擊十不致之死地不可使戰也

謂眾曰若不勝敵不可以求生於是人皆殊死戰遼

兵遂敗追至其營而止明日復敗其兵七百餘人興

中府宜州復叛棟摩討之并下詔招諭詔棟摩曰遼

之土地皆爲我有彼雖復叛終皆吾民可縱其耕稼

毋得侵掠貝勒蒙克

原作蒙括

薩布

原作斜鉢

烏達

原作吾達

等獲

契丹糾堅

原作九斤本傳

糾堅自殺

本紀

興中平棟摩爲南

路都統討和勒博

原作同保

詔曰和勒博以烏合之眾

保據險阻其勢必將自斃若彼不出掠毋庸攻討耶

律阿固齊

原作奧古哲

等殺和勒博於景薊之間其眾遂

潰天會元年張覺以平州叛入於宋棟摩自錦州往

討之覺將以兵脅遷來潤隰四州之民棟摩至潤州

擊走張覺軍逐北至榆關遣俘持書招之本傳六月壬

午本紀復敗覺兵於營州東北欲乘勝進取南京時方

暑雨退屯海孺逐水草休息使布呼原作布輝蒙克兩明

安屯潤州制未降州縣不得與覺交通九月棟摩破

覺將王孝古於新安敗覺軍於樓峰口本傳十月本紀復

與覺戰於兔耳山棟摩大敗太宗使宗望問敗軍之

狀棟摩字依詳校本削宗望遂以棟摩軍討覺本傳十一月癸未

發廣甯下瀕海諸郡庚午宗望及張覺戰於南京東

大敗之張覺奔宋城中人執其父及其二子以獻

之軍中二年正月

本紀

太宗乃赦棟摩召宗望赴闕五

月

本紀

棟摩連破偽都統張敦固遂克南京執敦固殺

之上遣使迎勞之詔曰聞下南京撫定兵民甚善諸

軍之賞廩差等以給之又詔曰南京疆場如舊屯兵

以鎮之命有司運米五萬石於廣甯給南京潤州戍

卒遂下宜州拔牙山殺其節度使韓慶民得糧五

千石詔以南路岷饑許田獵其後宋童貫郭藥師治

兵棟摩輒因降人知之卽具奏而宗翰宗望皆請伐

宋於是棟摩副宗望伐宋宗望以棟摩屬尊先皇帝

任使有功請以爲都統已監戰事

已史作以依詳校本改

於是

棟摩爲都統素赫

原作撒喝

副之三年十二月

本紀

敗郭藥

師兵於白河

本傳

藥師戈甲鮮明步武整肅初見亦懼

宗望乃東向望日而拜號令諸部而進藥師塵戰三

十餘里張令徽先遁力追之

大金國志

遂降燕山以先鋒

渡河圍汴宋人請盟將士分屯於安肅雄霸廣信之

境宗望還山西棟摩與劉彥宗留燕京節制諸軍四

年八月

本紀

復伐宋大軍克汴京

史作州依詳校本削

諸軍屯於

城上城中諸軍潰而西出者十三萬人棟摩遠蘭

原作

捷

分擊大敗之師還爲元帥左都監

棟摩字攸詳校本削

攻河

閒下之大破敵兵萬餘於莫州宗輔爲副元帥徇地

淄青棟摩與宗弼分兵破山谷諸屯宋李成兵圍淄

州烏凌阿

原作烏林答

托雲

原作泰裕

破之六年正月

本棟摩

克濰州達呼布珠爾蘇連破趙子昉等兵至於河上

烏凌阿托雲破敵於靈城鎮及議伐康王棟摩欲先

定河北然後進討太宗乃酌取羣議之中使羅索取

陝西宗翰宗輔南伐天會七年

史作六依詳校本

改斃年四十

熙宗時追封吳國王天德二年配享太祖廟廷正隆

改封譚王大定二年徙封魯王

本傳

八年圖像衍慶宮

依詳校

諡莊襄子宗敘

金史本傳

本增

宗敘本名德壽棟燁第四子也奇偉有大志喜談兵
天德二年充護衛授武義將軍明年授世襲穆昆擢
御院通進遷翰林待制兼修起居注轉國子司業兼
左補闕正隆初轉符寶郎在宮職凡五年皆帶劔押
領宿衛遷大宗正丞以母憂去官以本官起復未幾
遷侍衛親軍馬軍都指揮使改左驍騎都指揮使明
年海陵幸南京從至汴宗敘字從字依詳校本改削契丹薩巴反
宗敘爲咸平尹兼兵馬都總管以甲杖四千付之許
以便宜宗敘出松亭關取牛遞於廣甯全史本傳世宗卽
位於東京敕令至廣甯安塔哈傳宗敘將歸之廣甯尹安

塔哈弟雅爾堅勒宗敘乃還興中白彥敬

本名赫舍

哩志甯

本名薩哈達

使宗敘奉表降乃見世宗於梁魚務

授甯昌軍節度使明年二月契丹攻甯昌宗敘止有

女直渤海騎兵三十漢兵百二十人自將擊之遇賊

千餘騎漢兵皆散走宗敘與女直渤海三十騎盡銳

力戰身被二創所乘馬中箭而仆遂爲所執居百餘

日會賊中有臨潢民伊喇阿達

原作移刺阿塔

等盜馬授之

得脫歸宗敘陷賊久盡得其虛實見元帥完顏默音

原作

謀行平章政事完顏元宜謂之曰賊眾烏合無紀律

破之易爾於是帥府欲授軍職宗敘見默音貪鹵掠

失事幾欲歸白上不肯受職曰我有機密須面奏是夕乃遁去至廣甯矯取驛馬馳至京師而帥府先事以聞上遣中使詰之曰汝爲節度不度眾寡戰敗被獲幸得脫歸乃拒帥府命輒自乘傳赴都朕姑置汝罪可速還軍併力破賊宗敘陰奏曰臣非辭難者事須面奏不得不來遂召入乃條奏賊中虛實及諸軍進退不合事機狀詔大臣議皆以其言爲然是時已召布薩忠義本名烏哲代默音爲元帥進討於是拜宗敘爲兵部尙書以本職領左翼都統率宗甯烏雅扎拉四字依詳

校本

烏凌阿

原作烏林答

喇寶

原作喇撒

兵各千號三萬佐忠

義軍至和托

原作花道

遇賊與戰左翼都統

史作右依詳校本改宗

亨

本傳

指畫失宜

宗亨傳

先敗走忠義亦引卻宗敘勒本

部遮擊之麾帳下士三百捨馬步戰賊不得逞大軍

整列復至合勢擊之賊遂敗去而元帥右監軍赫舍

哩志宵率軍至追及斡罕

原作斡罕

於陷泉

本傳

整兵環攻

烏雅扎拉傳

大破之復與志宵及兀克坦

原作徒單

克宵追至

七渡河大敗之

本傳

斡罕

烏雅扎拉傳

入爲右宣徽使宋

兵據海州濟謀深入詔以宗敘爲元帥左監軍往禦

之

本傳

因駐山東分兵據守要害敵不得西

宏簡錄

尋奉

詔與赫舍哩志宵參議軍事

本傳

四年入朝

宏簡錄

奏曰

暑月在近頓兵邊陲飛輓頗艱乞俟秋涼進發上從

其請及還軍賜襲衣弓矢

本傳

九月渡淮引兵出唐鄧

至襄陽屢戰皆捷明年宋人請和軍還除河南路統

軍使河決李固渡分流曹單之間詔遣都水監梁肅

視河決宗敘言河道填淤不受水故有決溢之患今

欲河復故道卒難成功幸而可塞他日不免決溢山

東非曹單比也沿河數州驟興大役人心動搖恐宋

人乘閒煽誘搆爲邊患梁肅亦請聽兩河分流以殺

水勢遂止不塞

本傳

是年求入見言邊事上使修起居

注鈕祜祿額特塔

原作粘割
幹特利

就宗敘問狀宗敘言得

邊報及宋來歸者言宋國調兵募民運糧餉完城郭

造戰船浮橋兵馬移屯江北自和議後卽罷制置司

今復置矣商號海州皆有姦人出沒此不可不備嘗

報樞密院彼視以爲文移故欲入見言之

魏子平傳額特

均詰之皆無狀還報

額特均傳

十年召至京師拜參知政

事上曰卿奏黃河利害甚合朕意朕念百姓差調官

吏爲姦率斂星火所費倍蓰委積經年腐朽不可復

用若此等類百孔千瘡百姓何以堪之卿參朝政擇

利而行以副朕心及與上論南邊事宗敘曰南人遣

諜來多得我事情我遣諜人多不得其實蓋彼以厚

賞故也上曰彼以厚利資謀人徒費其財何能爲也

八月奉詔巡邊

史作十一年世宗紀在十年八月今依紀

十一年

世宗紀

六

月至軍中將戰有疾詔以右丞相赫舍哩志甯代宗

敘還七月甲申

世宗紀

病甚遣表朝政得失及邊防利

害力疾使其子上之薨年四十六上見其遺表傷悼

不已輟朝遣宣徽使敬嗣暉致祭賻銀千兩重綵四

十端

重字依詳校本增

絹四百匹上謂宰臣曰宗敘勤勞國

家他人不能及也初宗敘嘗請募貧民戍邊屯田給

以廩粟旣貧者無艱食之患而富家免更代之勞得

專農業上善其言而未行也十七年上謂宰臣曰戍

邊之卒冒寒暑往來番休以馬牛往戍往往皆死且
奪其農時敗其生業朕甚憫之朕欲使百姓安於田
里而邊圉疆固卿等何術可以致此左丞相良弼曰
邊地不堪耕種不能久戍所以番代耳上曰卿等以
此急務爲末耶往歲參政宗敘爲朕言此事若宗敘
可謂盡心於國者矣今以兩路招討司烏庫哩實壘
部族臨潢泰州等路分置堡戍詳定以聞朕將親覽
上追念宗敘聞其子孫家用不給詔賜錢三千貫明

昌五年配享世祖廟廷

金史本傳

羅索

原作

字幹里雅

原作

完顏部人年二十一代

父布達

原作白荅

爲七水諸部長太祖克甯江州使羅索

招諭係遼籍女直降伊騰伊罕

原作移

路達哈藩卓

勒

原作蒲馬

等敗遼兵於布爾罕

原作刺

山復敗遼

兵擒兩將軍旣而伊克

原作益

改尼瑪蘭

原作末

兩路皆

降進兵咸州克之諸部相繼來降獲遼北女直係籍

之戶

金史本傳

收國元年正月丙子遼都統耶律鄂爾多

原作說

以二十餘萬眾來皮邊太祖趨達嚕噶

原作達魯

古

城次甯江州西召羅索羅索見上於軍中上見羅

索馬多疲乏以三百給之使隸右翼

史作左

依宗翰

軍

本傳

庚子進師有火光正圓自空而墜上曰此祥徵

殆天助也。爾白水而拜將士莫不喜躍進逼遼嚙噉
城上登高望遼兵若連雲灌木狀。願謂左右曰：遼兵
心貳而情怯，雖多不足畏。遂趨高阜爲陣。宗雄以右
翼先馳，遼左軍左軍卻左翼出其陣後，遼右軍皆力

戰

太祖紀

與尼楚赫

原作銀北可

縱兵衝其中堅，凡九陷陣

皆力戰而出，復與尼楚赫戍邊。及九百奚營來降，則
與尼楚赫攻黃龍府。上使完顏琿楚原作琿博勒和原作
婆盧火實古納原作石古乃以兵四千助之，敗遼兵萬餘於

白馬灤

本傳

功皆論最

本紀

宗雄等下金山，縣使羅索分

兵二千招沿山逃散之人

本傳

與烏楞古

原作幹替古

破耶

律聶略

原作
捏里

軍於蒺藜山取顯州九月克黃龍府

太祖

紀

第功

古雲
傳

賜誓券恕死罪

碑文

羅索請曰黃龍府一

都會且僻遠苟有變易與鄰郡相扇而起請以所部

屯守太祖然之仍合諸路穆昆命羅索爲萬戶守黃

龍府進都統從杲取中京與希尹

原作
古新

等襲走達魯

原作
迪六

伊勒希等敗奚王錫默

原作
蔑末

降奚部西節度使

額哩略

原作
里刺

遼主自鴛鴦濼西走羅索等追至白

水樂獲其內庫寶物羅索遂與棟摩

原作
闍母

攻破西京

復與棟摩至天德雲內甯邊東勝其官吏皆降獲阿

蘇

原作
阿疏

夏人救遼兵次天德羅索使托紐

原作
突撚

布當

原作以騎二百爲候兵夏人敗之幾盡額圖瑛原作阿土

罕復以二百騎往遇伏兵獨額圖瑛脫歸時久雨諸

將欲且休息羅索曰彼再破吾騎兵我若不復往將

以我爲怯卽來攻我矣本傳亟選千騎與弟巴爾斯原作

速拔哥及實實原作習失往幹魯壯其言從之宏簡錄羅索遲

明出陵野嶺留巴爾斯以兵二百據險守之獲生口

問之其帥李良輔也將至野谷史無谷字依詳校本增登高望

之夏人恃眾而不整方濟水爲陣乃使人報幹魯羅

索分軍爲二迭出迭入進退轉戰三十里過宜水與

幹魯合擊敗之遼都統達實原作大石犯奉聖州壁龍門

東二十五里羅索卓哩

原作照里

馬和尚生獲達實其眾

遂降遼必喀哩

原作開里刺

守奉聖州棄城遁去後與宗

望追遼帝羅索芬徹

原作蒲察

以二十騎候敵敗其軍三

千人於三山有千人將趨奉聖州芬徹復敗之擒其

主帥而還夏人屯兵於哈屯

原作可敵

館宗翰遣羅索成

朔州築城於霸德山西南二十里遂破朔州西山兵

二萬擒其帥趙公直其後復襲遼帝於伊都谷獲之

賜鐵券惟死罪乃笞之餘罪不問尼楚赫圖太原宋

統制劉臻救太原率眾十萬出壽陽羅索擊破之繼

敗宋兵數千於榆次宋張灝軍出汾州巴爾斯擊走

之灝復營文水羅索及托克索

原作突葛速

巴爾斯與戰

灝大敗宗翰定太原羅索取汾石二州及其屬縣温

泉方山靈石

史作育石依碑文改靈石屬今汾州碑文是

芬徹降壽陽取

平定及樂平復招降遼州及榆社遼山和順諸縣宗

翰趨汴州使羅索自平陽道先趨河南曰若至澤州

與色哩

原作賽里

博勒和實實

原作習失

遇當與俱進實實之

前軍薩

原作謀合

敗宋兵三千於襄垣遇伏兵二

千又敗之薩喇達破天井關復破步兵於孔子廟南

遂降河陽羅索軍至既渡河遂薄西京城中兵來拒

戰實實逆擊敗之西京降羅索取偃師永安軍鞏縣

降薩喇達敗宋兵於汜水於是滎陽滎澤鄆州中牟

相次皆降宗翰已與宗望會軍於汴使羅索率師趨

陝津攻河東郡縣之未下者烏爾圖罕敗敵於河上

桑阿

原作撒按

敗敵於陝城下呼沙呼

原作沙渾

忽降虢州守

裨卒三百人遂克陝府實古納桑袞破陝之散卒於

平陸西北和尼

原作活女

別破敵於平陸羅索破蒲解之

軍二萬盡覆之安邑解州皆降遂克河中府降絳慈

隰石等州宗翰往洛陽使羅索取陝西敗宋將范致

虛軍下同華二州克京兆府獲宋制置使傅亮遂克

鳳翔

本傳

宗翰命羅索專事陝西以博勒和繩果

原作勝額

監戰遇敵於蒲城及同州臨真皆破之進克丹州延
安府遂降綏德軍及靜邊懷遠等城寨十六復破青
澗城宋安撫使折可求以麟府豐三州及晉甯所部
九寨皆降惟晉甯久不下規其城中無井日取河水
爲飲東決其渠泄之城中始困宏簡錄李位石乙啟郭
門降諸將率兵入城守將徐徽言據子城戰三日眾
潰徽言出奔獲之使之拜不聽臨之以兵不爲動繫
之軍中使先降者諭之使降徽言大罵與統制孫昂
皆不屈乃并殺之遂降定安堡涓平寨及鄜坊二州
於是羅索博勒和守延安折可求屯綏德芬徹遂守

蒲州延安鄜坊州皆殘破人民存者無幾羅索置官

府輯安之別將鄂倫

原作
幹論

降建昌軍京兆府叛羅索

復討平之

本傳

進兵降乾州克邠州軍於京兆

宏簡羅
錄

索經略陝西所下城邑叛服不常其監戰阿里布請

益兵帥府會諸將議曰兵威非不足殺懷之道有所

未盡誠得位望隆重恩威兼濟者以往可指日而定

若以皇子右副元帥宗輔往爲宜詔曰羅索往者所

向輒克今使專征陝西淹延未定豈倦於兵而自愛

耶闕陝重地卿等其戮力焉

太宗
紀

於是睿宗以右副

元帥總陝西征伐時羅索已有疾睿宗與張浚戰於

富平宗弼左翼軍已卻羅索以右翼力戰軍勢復振

張浚軍遂敗睿宗曰力疾鏖戰以徇王事遂破巨敵

雖古名將何以加也以所用犀玉金銀器及甲冑并

馬七匹與之本傳天會八年十二月丁丑薨太宗紀贈東

甯軍節度使兼侍中加太子太師皇統元年贈開府

儀同三司追封莘王以正隆例改贈金源郡王本傳大

定十六年圖像衍慶宮明年大禘配享太宗廟禮志

諡莊義子和尼默音實古納金史本傳同時同名羅索者

凡有十依詳校本增羅索有大功默音傳最先封贊他人不

能及也宗敘傳

和尼

原作活女

年十七從攻甯江州力戰創甚扶出陣間

太祖憑高望見問之知是羅索子親撫慰賜藥歎曰

此兒他日必爲名將

金史本傳

收國元年八月

太祖紀

攻濟

州敗敵八千

宏簡錄

與敵遇於信州伊喇本

原作刺本

陷

於陣和尼力戰出之敵遂北敗耶律佛德

原作佛頂

等兵

於信州及宗翰以兵襲奚王錫默

原作霞末

和尼以兵三

百敗敵二千從攻伊寶

原作乙室

破其二營塔喇

原作迭刺部

族叛率二穆昆突入大破之從羅索圍太原

和尼字依詳校

本宋將种師中以兵十萬來援和尼擊敗之

本傳斬師

中於殺熊嶺

尼楚赫傳

大軍至河無船不得渡羅索遣和

尼循水上下率軍三百

和尼字依詳校本削

自孟津而下度其

可渡遂引軍以濟大軍於是皆繼之宋將郭京出兵

數萬趨羅索營和尼從旁奮擊敵亂遂破之師還破

敵於平陸渡得其船以濟又以兵破敵於張店原時

屯留太平翼城皆有重敵並破之又分兵取陝西蒲

州降

本傳

卽留鎮之攻鳳翔先登宗輔定陝西以爲都

統進攻涇州敗王開山以兵拒歸路邀戰再擊敗之

遂降京兆鳳翔諸縣

宏簡錄

羅索卒於涇州

羅索碑

襲哈

濟

原作合扎

明安代爲黃龍府路萬戶天眷三年爲元帥

右都監遷左監軍元帥府罷改安化軍節度使歷京

兆尹封廣平郡王以正隆例改封代國公進封隋國

公諡貞濟年六十一

金史本傳

大定間定亞次功臣圖像

衍慶宮

依詳校本增

默音

原作謀衍

羅索次子

宏簡錄

勇力過人善用長矛突戰

天眷間充牌印祇候授顯武將軍擢符寶郎皇統四

年其兄和尼襲濟州路萬戶以親管沃濟

原作明安與吉

讓默音朝廷從之權濟州路萬戶八年爲元帥右都

監天德三年爲順天軍節度使歷河間臨潢尹數月

改博索

原作婆速

路兵馬都總管薩巴

原作撒巴

反默音往討

之是時世宗爲東京留守自將討括里邊遇默音於

常安縣盡以甲士付之世宗還東京完顏福壽高忠

建率所部南征軍亡歸東京

金史本傳

皆公言於路曰我

輩今往東京立新天子矣

海陵紀

默音自長安率兵五

千

世宗紀

來附卽以臣禮上謁

本傳

因率諸將吏民勸進

宏簡錄

世宗卽位拜右副元帥

本傳

命伐白彥敬

本名赫約索

舍哩志窩

本名薩哈達

於北京遇其眾於建州之境皆不

肯戰二人遂降二年正月默音率諸軍討幹罕

原作窩幹

屯兵懿州慶雲縣及川州武平縣奏請糧運并護送

兵仗詔以南征逃還軍往就如不足量於富家簽調

率諸軍將會濟州時賊新敗於泰州獲其謀者知敵

將由別路邀糧運遂分軍往迎之以貪鹵掠不復追

敵得縱去

宏簡錄

遂涉懿州界陷靈山同昌惠和等縣

窺取北京西攻三韓縣惟克甯追躡默音託馬弱引

還懿州上聞之下詔切責

本傳

曰朕委卿等討賊乃聞

不就賊趨戰而駐兵閑緩經涉累月雖經追襲不由

水草之地以致馬足疲弱不能百里而還後雖破賊

又縱諸軍劫掠數日後方追北霧霖河輒復引還賊

遂入涉內地北京懿州由此受兵朕欲重譴以方任

兵事且圖後功當盡心一力毋得似前怠弛

合史本紀以

布薩忠義

本名烏哲

爲右副元帥代之默音子色克

原作斜哥

橫暴軍中詔勒歸本貫默音至京師以爲同判大宗
正事世宗責之曰朕以汝爲將汝不追賊當正汝罪
以汝父羅索有大功特免汝死汝雖非宗室而授此
職汝其勉之未幾率賓路軍士珠勒呼

原作朮里古

告色

克寄書與默音謀反有司并上其書世宗察其誣詔
鞠告者珠勒呼款伏遂誅之召默音謂之曰人有告
卿子爲反謀者朕知卿必不爲此今告者果自服罪
宜悉此意初斡罕方熾上使溫特赫

原作溫迪罕

阿嚕岱

原作阿魯帶

守古北口及斡罕敗於陷泉入於奚中率諸

奚攻古北口阿嚕岱因其妻生日輒離軍中六十里

賊眾聞之來襲殺傷士卒甚眾阿嚙岱坐除名詔默

音芬徹

原作蒲察

烏里雅富察

原作蒲察

通以兵三千會舊屯

兵擊之擒賊黨明安和卓

原作合住

未幾幹罕平乃還七

年出爲北京留守上御便殿賜食及御服衣帶佩刀

謂之曰以卿故老欲以均勞逸故授此職卿其勉之

改東京留守封榮國公大定十一年薨年六十四默

音性忠厚善擊毬射獵時論以爲雖智略不及其父

而勇敢肖之云

金史本傳

實古納又名仲

原作石乃古

羅索之幼子也

阿蘇傳

體貌魁

偉通女直契丹漢字

本傳

幹魯愛其才欲使通吏事每

視事常令在左右

宏簡錄

遇事輒問之應對如響幹魯

歎曰此子必爲令器皇統初充護衛授世襲穆昆天

德元年攝其兄和尼濟州萬戶部內稱治除濱州刺

史以母憂去官起復知積石軍事轉同知河南尹正

隆六年伐宋爲神勇軍副都總管與大軍北還除同

知大興尹將兵二千益遵化屯軍備契丹遷西南路

招討使兼天德軍節度使政尙忠信決獄公平番部

不敢寇邊召爲左副都點檢宿衛嚴謹每事有規矩

後來者守其法莫能易也世宗嘗謂侍臣曰實古納

入直朕寢益安五年宋人請和爲姪國不稱臣仲爲

報問使仲請與宋主相見禮儀世宗曰宋主親立起
接書則授之乃至宋一一如禮正隆用兵宋人執商
州刺史完顏守能以歸至是仲取守能與俱還上嘉
之轉都點檢兼侍衛親軍都指揮使遷河南路統軍
使上曰卿在禁近小心畏慎河南控制江淮爲國重

地卿益勉之賜殿馬金帶玉吐鵲後有罪

後字史作復依詳校

本改解職久之起爲西北路招討使改北京留守卒

史金

傳本

哈里

原作海里

羅索族子體貌豐偉善用稍羅索爲黃龍

府萬戶

哈里從徙於舒吉鄂摩

原作孰吉訛母

從羅索追及

遼主於朔州阿敦山遼主從數十騎逸去羅索遣哈

里及珠敦

原作
尤得

往見遼主諭之使降遼主已窮蹙待

於阿敦山之東羅索因獲之賞哈里金五十兩銀五

百兩幣帛二百匹綿三百兩睿宗經略陝西哈里戰

卻吳玠軍於涇邠之南尋遣修棧道宋人恐棧道成

以兵來拒破其兵賞銀百五十兩奴婢十人天眷元

年擢宿直將軍與定宗磐之亂再遷廣威將軍除都

水使者改西北路招討都監歷復州灤州刺史伊囉

幹

原作耶
盧梳

羣牧使塔喇

原作
迭刺

部族節度使同知大興

尹兼中都路兵馬都總管改武甯軍節度使廣甯尹

卒年六十二

金史本傳

尼楚赫

原作銀

宗室子太祖嗣位

金史本傳

二年甲午

太祖

紀

使普嘉努

原作滿家奴

如遼取阿蘇

原作阿疏

事久不決乃

使實古納

原作習古迺

尼楚赫繼往當是時遼主荒於政

事上下解體尼楚赫等還具以遼政事人情告太祖

且言遼國之狀

本傳

雖取遼之策卒定於都古嚕訥

古迺

乃傳

其始謀

克實

蓋自尼楚赫等發之

本傳

太祖與耶

律鄂爾多

原作詔里朵

戰於達嚕噶城

原作達魯古

破遼兵二

十餘萬語見羅索傳

宏簡錄

收國二年分雅達納阿拉

原作鴨撻阿懶

所遷穆昆二千戶以尼楚赫爲穆昆屯甯江

州遼大冊使實訥埒

原作習泥烈

遣回約以七月半至而

盡九月實訥埒未來上使諸軍過江屯駐遼伊喇

原作

曳刺滿達

原作麻答

十三人兵士八人縱火於渾河以絕芻

牧尼楚赫獲之乃知遼邊吏伊蘇

原作乙薛

使之太祖命

釋之從都統杲取中京

本傳

與實古納芬徹

原作蒲察

哈布

爾

原作胡巴魯

率兵三千擊奚王錫默

原作霞末

於京西七十

里錫默棄兵遯遼主西奔天德尼楚赫以兵絕其後

遼主遂見獲

宏簡錄

後從宗翰伐宋圍太原宗翰進兵

至澤州及宗翰還西京太原未下皆命尼楚赫留兵

圍之

本傳

宋樊夔施詵高豐等軍來救太原分據近部

尼楚赫與實實原作習夫博囉烏蘇原作完連大破之索

羅希原作索破宋兵近縣已降發兵復入據太谷祁

縣阿古喇原作阿巴爾斯原作拔仍拔取之豫攻种

師中使鄂倫原作斡論破其軍薩喇圖原作撒又敗宋軍

於回馬口太原已定復攻克汴城師還降苛嵐甯化

等軍拔嵐州招降火山軍賜鐵券又取鄆州殺其將

李操等擒轉運使劉吉鄧州通判王彬宗翰會伐康

王使獨守太原宏簡天會十年爲燕京留守十三年

致仕加保大軍節度使同中書門下平章事遷中書

令封蜀王本天眷三年四月癸丑薨熙宗年六十八

以正隆例贈金源郡王

本傳

天德三年

依詳校本增

配饗太

宗廟廷大定十五年諡武襄改配饗太祖廟廷

本傳弟

瑪奇

原作
本吉

巴爾斯

宏簡
錄

子古雲

金史
本傳

古雲

原作
敦英

本名達蘭

原作
捷懶

幼警敏有志膽初卯角太

祖見而奇之年十六父尼楚赫授以甲使從伐遼常

爲先鋒授世襲穆昆

金史
本傳

伐宍守太原圍皆在行間

屢有功

宏簡
錄

宋兵數萬救太原至南關尼楚赫與弟

巴爾斯

原作
拔

完顏羅索

原作
婁室

等擊之當隘巷間一

卒揮刀向巴爾斯古雲以刀斷其腕一卒復從旁以

槍刺之古雲斷其槍追殺之拔太原下河東諸州攻

汴京皆有功與都統瑪武原作馬五徇地漢上至上蔡以

先鋒破孔家軍睿宗攻開州古雲先登流矢中其口

睿宗親視之創未愈親起之攻大名府第功宗弼第

一古雲次之攻東平古雲居長巴爾斯襲宋康王於

揚州古雲爲先鋒巴爾斯追宋孟后於江南古雲前

行趨潭州宋大兵在常武以選兵古雲字依詳校本削薄其城

敗千餘人明日城中出兵來戰以五百騎古雲字依詳校本削

敗之獲馬二百匹遂攻常武巴爾斯以諸軍爲大陣

居其後古雲以五百騎爲小陣當前行卽麾兵馳宋

軍宋軍亂遂大敗之本傳其周旋進退皆有法則巴爾

斯歎賞之宏簡錄其後河東郡縣多叛古雲以先鋒攻

絳州克之復攻沁州飛礮擊其右脅昇歸營中諸軍

攻沁州三日不能下別將固納原作骨被強起古雲指麾

士卒遂克之攝河東路都統從左監軍伊喇原作移刺伊

都原作余賄招西北諸部將騎古雲字依詳校本削三千五百平其

九部獲生口三千馬牛羊十五萬以先鋒破宋吳山

軍再戰再勝遂衄宋兵於隘死者不可勝計宋兵遞

去宗弼再取和尙原仍以本部破宋兵兵字依詳校本增五

萬人奪新义口留兵守之是夜大雪道路皆冰宋兵

勢重不可徑取本傳宗弼用其策自傍近高山叢薄間

入出其不意遂取和尚原請速入大散關宗弼止之

古雲先攻仙人關不止宗弼以刀背擊其兜鍪使之

退

宏簡錄

古雲曰敵氣已沮不乘此而取之後必悔矣

已而果然宗弼歎曰既往不咎乃班師古雲股且戰

且卻遂達秦中齊國初廢元帥右監軍薩里罕

原作撤

喝

馳驛撫治諸郡至同州故齊觀察使李世輔出迎

陽墜馬稱折臂昇歸薩里罕入城世輔詐使遁判獻

甲以壯士十人被甲上廳事世輔自壁後突出執薩

里罕古雲方索馬於外變起倉卒不得入城門已閉

皆有兵衛至東門適哈達

原作達雅

領騎三十餘與古雲

遇遂斬門者出而世輔擁眾自西門出古雲因與哈達襲之一進一退以綴世輔使不得速世輔慮救兵至乃要薩里罕與之盟勿使追之留薩里罕於道側古雲識其聲與騎而歸除安遠大將軍攝太原尹四境咸治兼攝河東南北兩路兵馬都總管朝廷以河南陝西與宋已而復取之師至耀州宋人每旦出城張旗閱隊抵暮而還道隘敵不得逞古雲請兵五百薄暮先令五十人趨山巔令之曰旦日視敵出舉幟指其所向乃以餘兵伏山谷聞明日城中人出閱如前山巔旗舉伏兵發宋兵爭馳入城古雲麾軍登城

拔宋幟立金旗幟

本傳

宋兵內外望見皆降

宏簡錄

宋吳

璘

史作玠攸
詳校本改

擁重兵據涇州涇原以西多應之元帥

薩里罕欲退守京兆俟河南河東軍古雲曰我退守

吳璘必取鳳翔京兆同華據潼關吾屬無類矣薩里

罕曰計將安出古雲曰事危矣不如速戰我陣涇原

之南原宋兵必自西原來古雲與錫卜察

原作錫
補出

各

以選騎五百摧其兩翼元帥當其中擊之可以得志

監軍巴爾斯曰二子當其左右巴爾斯願當其中元

帥據岡阜多張旗幟爲疑兵可以得志薩里罕從之

吳璘兵果自西原來古雲錫卜察擊其左右自旦至

午吳璘左右軍少退巴爾斯當其前衝擊之遂敗璘
軍僵尸枕藉大澗皆滿自此蜀人喪氣不敢復出關
陝遂定歷行臺吏部工部侍郎從宗弼巡邊遷刑部
尚書轉元帥左都監天德二年遷右監軍元帥府罷
改山西路統軍使領西北西南兩路招討兵馬坐無
功降臨海軍節度使歷平陽太原尹正隆末爲中都
留守兼西北面都統討契丹薩巴原作撤入駐軍歸化州
世宗卽位於遼陽使古雲姪阿爾法原作阿魯瓦持詔往
命古雲爲左副元帥本傳就宣大定改元赦於西南西
北招討司調河東河北山東諸路州鎮明安軍屯京

畿詔至

二字依詳校本增

古雲猶豫未決士卒皆欲歸附乃

不得已受詔下令諸路亟泥馬槽二萬具然後遣人

宣赦諸路聞之以爲大軍且至故皆聽命

宏簡錄

大定

元年十一月古雲以軍至中都同知留守璋請至府

議事古雲疑璋有謀乃陽許諾排節仗若將往者遂

率騎從出施仁門駐兵通州見世宗於三河詔

古雲依詳

校本以便宜規措河南陝西山東邊事二年正月至

南京遂復汝潁嵩等州縣授世襲明安入拜平章政

事罷爲東京留守未行改濟南尹初古雲宿將恃功

在南京頗贖貨不恤軍民詔使問以邊事古雲不答

謂詔使曰爾解何事待我到闕奏陳及召入竟無一語及邊事者在相位多自專己所欲輒自奏行之除留守輒忿忿不接賓客雖近臣往亦不見上怒遂改濟南上數之曰朕念卿父有大功於國卿舊將亦有功故改授此職卿宜知之若復不悛非但不保官爵身亦不能保也古雲頓首謝久之改平陽尹致仕起爲西京留守以母憂去官尋以本官起服俄復爲東京歷上京詔曰上京王業所起風俗日趨脆薄宗室聚居號爲難治卿元老大臣眾所聽服當正風俗檢制宗室持以大體十五年致仕久之史臣上太宗睿

宗實錄上曰當時舊人親見者惟古雲在詔修撰温

特赫

原作温迪罕

提克德

原作締達

往北京就問之多所更定

焉薨年七十四最前後以功被賞者十有一金爲兩

二百五十銀爲兩六千五百絹爲匹八百綿爲兩二

千馬三百十有四牛羊六千奴婢百三十人

金史本傳

瑪奇

原作麻吉

尼楚赫之母弟也年十五隸軍中從破高

麗兵下甯江州平係遼女直克黃龍府皆身先力戰

以功爲穆昆繼領明安破奚兵千餘自烏楞古

原作幹魯

古攻下咸信藩州及東京諸城瑪奇皆有功都統杲

取中京與素赫

原作稍合

和碩台

原作拾達

別降綽里特

原作

楚迪部屯兵高州以兵援蒙克

原作蒙剗

貝勒大破敵兵

復敗恩州兵五萬人討平遼人聚中京山谷者降三千餘人戰於高州境上伏矢射之中目遂卒瑪奇大小三十餘戰所至皆捷皇統中贈銀青光祿大夫諡

毅敏子烏色

金史本傳

烏色

原作沃湖

年十七隸軍中從巴爾斯

原作拔高速

擊遼將

瑪武

原作馬五

敗之瑪奇死領其職宗望伐宋至河上宋

兵屯於河外以二舟來伺我師乃遣烏色率勇士數輩以一舟往迎之盡俘以還襲康王於江淮閒烏色皆與焉師還駐東平及廢齊屯兵河北招降旁近諸

營多獲畜產兵仗軍帥嘉之賞以甲馬從攻陝西爲

右翼都統攻城破敵皆與有功師還正授穆昆遷華

州防禦使屬關中歲饑盜賊充斥烏色募兵討平之

部以無事郡人列狀丐留不報俄遷德琦勒

原作迪列部

族節度使改塔喇

原作送刺

部用廉入爲都水使者秩滿

同知燕京留守事爲西北路招討使薩巴

原作撒入

秩滿

已數月冒其俸祿不卽解去烏色發其事薩巴反烏

色遇害

金史本傳

巴爾斯

原作拔高連

尼楚赫弟天輔六年宗翰在北安州

將會舍音

原作斜也

於奚王嶺遼兵奄至古北口使博勒

和原作婆 瑋楚原作 各領兵二百擊之瑋楚請濟師

宗翰欲自往希尹原作 古新羅索原作 婁室曰此易與耳請以

千人為公破之瑋楚以騎三十人前行至古北口遇

其遊兵遂入山谷遼人以步騎萬餘追戰亡騎五人

瑋楚退據關口希尹羅索至巴爾斯烏木罕原作訛

呼實罕原作胡 摧鋒奮擊大破之斬馘甚眾盡獲甲

冑輜重希尹與薩拉葛圖原作撒 資摩原作 斐滿托紐原作

突敗其伏兵殺千餘人獲馬百餘匹金史 遂與宗翰

至奚王嶺期會於羊城濼天會四年克太原巴爾斯

為管勾太原府兵馬事復與羅索敗宋兵於文水遂

從宗翰圍汴與尼楚赫略地襄鄆入均州遷攻唐蔡

陳三州皆破之克潁昌府遂與托雲

原作太裕

瑪武襲宋

康王於揚州康王渡江入於建康天會十五年遷元

帥左都監宗弼再定河南薩里罕

原作撒葛

經略陝西

至涇州巴爾斯大破宋軍於渭州渭州德順軍皆降

陝西平遷元帥左監軍加金吾衛上將軍卒諡敏定

金史本傳大定間定亞次功臣圖像衍慶宮

十三字依詳校本增

實古納

原作古迺

亦書作實古迺

金史本傳

昭祖之孫

宏簡錄

嘗與尼楚赫

原作尤可

俱往遼國取阿蘇

原作阿疏

還言遼

人可取之狀太祖始決意伐遼矣

本傳

從太祖拒遼兵

使與尼楚赫鎮守達噶噶城

原作達魯古

及取居庸關使

往追蕭妃不及久之爲臨潢府軍帥討平塔喇

原作送刺

其羣臣率眾降者請使就領諸部太宗賜以空名宣

頭及銀牌俾以便宣授之

宏簡錄

獲遼許王索囉

原作莎羅

駙馬都尉蕭伊遜

原作乙辛

遼梁王雅里

依詳校本移上

在哈里

原作

水自立不知果在何處至是始知之於是徙遼

降人於泰州時暑未可徙實古納請姑處之嶺西及

實古納築新城於契丹珠敦城

原作周特

詔置會平州烏

庫哩

原作烏虎里

部迪里

原作迪烈

華沙

原作劃沙

率部族降朝廷

以托卜嘉

原作僕野

爲本部節度使烏瑁

原作烏虎

爲都監

實古納封還本宣誥以便宜各授散官填空名告身傳

付之轉錄降附有勞故官八百九十三人宏簡錄朝廷

從之於是迪里加防禦使爲本部節度使華沙加諸

司使爲節度副使知達魯特原作迪烈底部事達勒達原作

達离答加左金吾衛上將軍節度副使知圖吉原作突鞠部

事阿實克原作阿臬加觀察使爲本部節度使其餘遷授

有差以巴噶城原作廳島之地分賜烏庫哩達魯特二部

及契丹人其未墾者聽任力占射久之領咸州煙火

事天會六年史作天輔依詳校本改完顏慎思所部及其餘未

置明安穆昆戶口命實古納具籍以上天會十年改

南京路軍帥司爲東南路都統司實古納爲都統移

治東京鎮高麗

本傳

授上京世襲明安終東京留守子

阿嚕岱

原作阿魯帶

皇統初北伐有功拜參知政事

宏簡錄